

izgradnju stanova ("Službene novine Kantona Sarajevo", broj 4/05 i 11/05), Vlada Kantona Sarajevo, na 30. sjednici održanoj 24.08.2020. godine, donijela je

**RJEŠENJE**  
**O IMENOVANJU KOMISIJE ZA IZBOR**  
**PREDSJEDNIKA I ČLANOVA UPRAVNOG ODBORA**  
**FONDA KANTONA SARAJEVO ZA IZGRADNJU**  
**STANOVA ZA ČLANOVE PORODICA ŠEHIDA I**  
**POGINULIH BORACA, RATNE VOJNE INVALIDE,**  
**DEMOBILIZIRANE BORCE I PROGNANE OSOBE**  
**SARAJEVO**

**I**

U Komisiju za izbor predsjednika i članova Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe Sarajevo, čiji je osnivač Kanton Sarajevo, a čija konačna imenovanja vrši Vlada Kantona Sarajevo (u daljem tekstu: Komisija) imenuju se:

1. Amra Čehić Jusufović, predsjednica
2. Edina Ajdinović, članica
3. Azra Kajimović, članica
4. Amira Butmir, članica
5. Vesna Ilić, članica.

**II**

Za sekretara Komisije imenuje se Damir Hamalukić iz Ministarstva prostornog uređenja, građenja i zaštite okoliša Kantona Sarajevo. Sekretar Komisije obavlja administrativne poslove za potrebe Komisije, priprema zapisnike sa sastanaka Komisije, izvještaj o radu Komisije, vodi dokumentaciju i vrši druge tehničke poslove za potrebe Komisije.

**III**

Zadatak Komisije je da u skladu sa odredbama Odluke o osnivanju Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe ("Službene novine Kantona Sarajevo", broj 13/98 i 10/05) i Odluke o kriterijima za nominiranje/imenovanje predsjednika i članova Upravnog odbora Fonda Kantona Sarajevo za izgradnju stanova, čiji je osnivač Kanton Sarajevo ("Službene novine Kantona Sarajevo", broj 4/05 i 11/05), čija konačna imenovanja vrši Vlada Kantona Sarajevo, pregleda sve prijave koje su pristigle u propisanom roku navedenom u javnom oglasu za imenovanje predsjednika i članova Upravnog odbora Fonda Kantona Sarajevo za izgradnju stanova.

Komisija će provesti proceduru u skladu sa članom 10., 11. i 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13).

**IV**

Nakon intervju a i na osnovu u potpunosti dokumentovanih odluka svakog člana komisije, komisija će putem pismene preporuke predložiti rang-listu sa najboljim kandidatima Vladi Kantona Sarajevo na dalje razmatranje.

**V**

Ovo Rješenje stupa na snagu danom donošenja, a isto će se objaviti u "Službenim novinama Kantona Sarajevo".

Broj 02-04-32127-33/20

24. augusta 2020. godine

Sarajevo

Premijer

**Mario Nenadić**, s. r.

Na osnovu člana 138. stav (3) Zakona o radu ("Službene novine Federacije BiH", broj 26/16 i 89/18), člana 26. i 28. stav (3) Zakona o Vladi Kantona Sarajevo ("Službene novine

Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 172. i 173. Kolektivnog ugovora za djelatnost srednjeg obrazovanja u Kantonu Sarajevo ("Službene novine Kantona Sarajevo", broj 12/18), Vlada Kantona Sarajevo, na 30. sjednici održanoj 25.08.2020. godine, donijela je

**RJEŠENJE**

**O IMENOVANJU PREGOVARAČKOG TIMA VLADE**  
**KANTONA SARAJEVO ZA DONOŠENJE**  
**KOLEKTIVNOG UGOVORA ZA DJELATNOST**  
**SREDNJEG OBRAZOVANJA U KANTONU SARAJEVO**

**I**

U Pregovarački tim Vlade Kantona Sarajevo za donošenje Kolektivnog ugovora za djelatnost srednjeg obrazovanja u Kantonu Sarajevo, imenuju se:

1. Mr. Anis Krivić, ministar za obrazovanje, nauku i mlade,
2. Agić Jasna, ministrica za rad, socijalnu politiku, raseljena lica i izbjeglice i
3. Kustura Mersa, ministrica pravde i uprave,
4. Avdić Zejna, sekretar Ministarstva finansija.

**II**

Imenovana lica iz tačke I ovog Rješenja u slučaju spriječenosti mogu, po ovlaštenju, zamijeniti njihovi resorni pomoćnici ili sekretari.

**III**

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-32127-35/20

25. augusta 2020. godine

Sarajevo

Premijer

**Mario Nenadić**, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14) i člana 45. stav (2) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", broj 10/20, 18/20 i 29/20), Vlada Kantona Sarajevo, na 30. sjednici održanoj 25.08.2020. godine, donijela je

**ZAKLJUČAK**

Prihvata se Konsolidovani periodični izvještaj o izvršavanju Budžeta Kantona Sarajevo za period 01.01. do 30.06.2020. godine.

Broj 02-04-32127-36/20

25. augusta 2020. godine

Sarajevo

Premijer

**Mario Nenadić**, s. r.

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**VLADA**

**KONSOLIDOVANI PERIODIČNI IZVJEŠTAJ**  
**O IZVRŠAVANJU BUDŽETA KANTONA SARAJEVO,**  
**ZA PERIOD 01.01. DO 30.06.2020. GODINE**

Sarajevo, juli 2020. godine

**I. UVOD**

U martu 2020. usvojen je Budžet Kantona Sarajevo za period 2020. godine ("Službene novine Kantona Sarajevo", br. 10/20) u iznosu 995.264.434 KM.

U maju 2020. godine usvojene su Izmjene i dopune Budžeta Kantona Sarajevo za 2020. godinu ("Službene novine Kantona